

Irurtzun-Andoain autobidea

Adostasuna Diputazioa eta Lurraldearen artean

Adostutako trazaketa berria, A-4 alternatiba, Batzar Nagusiei aurkeztuko zaie

Jonan Fernandez, Lurraldearen bozeramaleak eta Eli Galdos, Gipuzkoako diputatu nagusiak puntu beretik eta hitz berekin hasi zuten bakoitzak bere aldetik eman zuen prentsurrekoa: «gaurkoa oso egun garrantzitsua da». Hitzok Irurtzun-Andoain autobidearen gatazka konponbidean zegoelako ustetik sortu ziren.

PELLO URZELAI / DONOSTIA

Konponbide horren giltza bi aldeek adostasuna lortzean zegoen. Bi aldeek onerititakoa Gipuzkoako Batzar Nagusiek onartzen baldin badute, Irurtzun-Andoain autobidea Gipuzkoan aldaketa bat izango du bere trazaketan. Leitzarar bailara kaltetuta gerta ez dadin, proiektu ofiziala onartu aurretik aztertu ziren alternatibetako bat berreskuratu da, A-4 alternatiba deritzana, Belabietako gaina tunel baten bidez zeharkatzen duena.

Proiektu ofizialak Leitzarango maldan zehar egiten baldin baditu Gipuzkoako zatiko kilometrorik gehienak, A-4 alternatibak, berriz, Berastegiko aldea aukeratu du. Trazaketa honek, oraindik ere, Leitzarar bailara ukitzen du. Proiektu ofizialean, atobidearen 11 kilometro Leitzarandik igarotzen ziren bitartean, oraingo alternatiban 4 edo bost izango dira.

EGUN MUGITUA ATZOKOA Aste baten buruan zabalduko aukera berri honek, momentu bat baino gehiago izan zituen atzo. Goizeko hamar t'erdietan, Eli Galdos eta Lurraldeak —Jonan Fernandez eta Bittor Aierdi izan ziren atzo Diputazio Jauregian— bigarren bilera hasi zuten. Honen bukaeran, hamabi inguruan, Lurraldeko bozeramaleek adostasunaren lehenengo berria eman zuten Diputazio gela polibalentean eskaintako prentsurrekoan. Hamabi t'erdietan, Gipuzkoako diputatu nagusia batzardide taldeetako bozeramaleekin bildu zen. Alderdi guztietakoak zeuden, HBkoak izan ezik. HBko batzarkide taldeko bozeramalea, Jose Luis Elkoro, beste bilera bukatu ondoren hartu zuen bere bulegoan Eli Galdos.

Alderdi ezberdinetako batzarkideek lehenengo inpresio eta balorazioak eskaini zituzten Jauregiko pasabideetan. Eta, azkenik, Eli Galdos berak gertatutakoaren berri eman zuen prentsurrekoan.

GIZARTE OSOAREN GARAIPENA Jonan Fernandez eta Eli Galdos atzoko egun «garrantzitsua» zela esatean bat etorri baziren ere, lortutako adostasuna baloratzean nabardura ezberdinak adierazi zituzten.



Lurraldeko bozeramaleak Galdosetik bileratik irteteen.

C.V.



Eli Galdos talde politikoen esku utzi du azken erabakia.

C.V.

✓ Mugimendu sozialaren ikuspuntutik «oso garrantzitsua» zeritzon Fernandezek, «urte hauetan defendatu dugun elkarrizketaren bidezko konponbidearen tesia bermatzen delako».

«Joan zen astelehenero bileran, gatazkaren alde guztiak aztertu ziren, eta trazaketa ezberdinen errepa-soan sakondu egin zen, horretan sortu zen A-4 alternatiba», hasi zen kontatzen Jonan Fernandez. «Lurraldeak aztertu egin du eta ez ohizko asanblada batean oneritizia eman zion atzo», adierazi zuen.

Lurraldearen ustez, «hurbiltze prozesu bat izan da, aurrekordioan amaitu dena» izan da. «Espero dugu elkarrizketa eta akordioaren filoso-

fia hau Nafarroako zatian ere zabalduko dela», erantsi zuen.

Balorazioetan sartuta, «akordio-rako gelditzen zen azken zirrikitua zen hau», esan zuen Lurraldeko bozeramaleak. Mugimendu sozialaren ikuspuntutik «oso garrantzitsua» zeritzon, «urte hauetan defendatu dugun elkarrizketaren bidezko konponbidearen tesia bermatzen delako». Fernandezek ustez, mugimendu sozialak «baliozko solaskidetzat» onartuak izan dira, «gure irizpide-tako batzuk onartuak izan diren aldi berean». Lortutako adostasuna beste gatazka batzuentzat balio duelakoan dago Lurralde.

Azken finean, Jonan Fernandezek esanetan, «bai mugimendu sozialak, bai instituzioak, bai gizarte osoa gairaila atera dira». Batez ere gizarteak, «kontsentsu hau gehien desiratzen zuena», gehitu zuen.

AZKEN HITZA BATZAR NAGUSIEK

Trazaketa berriari buruz, «ikuspuntuko ekologikotik ez da

✓ «Politikarien zeregina, bide demokratikoak erabiliz, gatazkak konpontzea da, hau da ni saiatu naizena, kontsentsuzko alternatiba posible baten hartzaile izatea», azaldu zuen diputatu nagusiak.

trazaketarik onena, baina ofiziala baino hobetagoa da», esan zuen Aierdik. «Trazaketarik onena Lurraldearen alternatiba dela pentsatzen dugu», argitu zuen. Trazaketaren abantailak, Lurraldearen ikuspuntutik, nagusiki bi arlokoak dira: bata ekologikoa, Leitzarar bailara tangentialki zeharkatzean Leitzarar parke natural oso bat egitea posiblea egiten bait du eta, bestea, territoriala, Tolosarako lotura hurbiltzen duelako.

Eli Galdos bere pozaren arrazoiak horrela azaldu zituen: «gipuzkoarren arreta zuen gatazka bat konponbidean dago, irtenbide demokratiko baten bidean». Ondoren, honako hau argi utzi zuen: «Batzar Nagusiek dute azken hitza». Eli Galdos «Lurraldearen ahaleginak» eta «adostasunera heltzeko borondatea» gorai-patu zituen Galdos.

Bere ustez, kontsentsuatutako alternatiba «instituzionala» da, erakundeetan erabilitako aukeren artean bazegoelako.

Bere jarrerari dagokionez, «politikarien zeregina, bide demokratikoak erabiliz, gatazkak konpontzea da, hortan saiatu naiz ni, kontsentsuzko alternatiba posible baten hartzaile izatea», azaldu zuen diputatu nagusiak. «Hemen ez da ezer aldatu, proposamen bat jasotzeko prest izan gara, ez dago akordioarik, nik ezin dudalako ezer akordatu, diputatu nagusi bezala, Batzar Nagusietan onartzen den egunean zerbait esan ahal izango dut».

Batzar Nagusiek onartu beharko dute proposamena

P.U. / DONOSTIA

Irurtzun-Andoain autobidearen proiektu ofizialaren trazaketa aldatzeko segi beharreko prozedura Batzar Nagusietan aurkeztuko den ez arauzko proposamen baten bidez berteko da.

Proposamen hori batzarkide talde batek aurkeztu behar du Batzar Nagusietan. Atzo inork ez zuen argitu zein taldek aurkeztuko duen proposamen hori, baina Galdos eta EAJko batzarkide taldeko bozeramalearen zeharkako adierazpenen arabera, EAJk berak ez duela egingo uler daiteke, eta, ondorioz, Herri Bata-sunak hartu beharko duela bere gain betekizun hori.

Proposamen honek Batzar Nagusietan izan dezakeen laguntza buruz, Eli Galdos ez zekiela erantzun zuen.



Eli Galdos Batzar Nagusietako batzarkide taldeetako bozeramaleekin bildu zen atzo.

EFE